

月爲之明孝至於地萬物爲之生孝至於民王道爲之成且
三才肇分始於三氣三氣者乃玉清三天也吾於上清托化
人間示陳孝悌之教晉有許真人傳吾孝道之宗得爲眾仙
之長今授汝祕旨言訖而不見蘭公頓悟真機道成白日昇
騰

虞舜玉琯漢武錦囊

廣記虞舜卽位西王母遣使授舜白玉環又授以益地之圖
遂廣黃帝九州爲十二州王母又遣使獻舜白玉琯吹之以
和八風漢武內傳武帝見西王母巾箱中有一卷小書盛以
紫錦囊帝見瞻覽母曰此五嶽真形圖也昨青城諸仙就我
請求乃三天太上所出其文祕禁豈汝穢質所宜佩乎

道藏輯要

三洞羣仙錄

六

翼集四
X08

子恭祕術長桑禁方

賢已集杜子恭有祕術嘗就人借瓜刀其主求之子恭曰當
卽相還耳旣而刀主行至嘉興有魚躍入船中破魚得瓜刀
其爲神効往往如此

史記扁鵲者渤海郡鄭人也姓秦氏名越人少時爲人舍長
舍客長桑君過扁鵲獨奇之常謹過之長桑君亦知扁鵲非
常人也出入十餘年乃呼扁鵲私坐間與語曰我有禁方年
老欲傳與公公毋泄扁鵲曰敬諾乃出懷中藥子扁鵲曰飲
是以上池之水三十日當知物矣乃悉以其禁方書盡與扁